



Broj: 03-05-5- 592/14

Datum: 17.03.2014.godine

OPĆINSKO VIJEĆE

INFORMACIJA

o radu i funkcionisanju organa mjesnih zajednica u 2013 godini

Informacija o radu i funkcionisanju organa mjesnih zajednica u 2013.godini, rađena je na osnovu izvještaja, redovnih audita, svakodnevnih kontaktima sa predstavnicima, pojedinačno održanim sastancima općinske administracije sa rukovodstvima mjesnih zajednica kao i povremenom prisustvu sastancima od strane referenta za rad sa mjesnim zajednicama.

1. Organizacija mjesne samouprave - pravni okvir u radu mjesnih zajednica

Rad mjesne samouprave u Federaciji Bosne i Hercegovine uređen je Zakonom o principima lokalne samouprave u Federaciji Bosne i Hercegovine (Službene novine FBiH 49/06), Statutom Općine Tešanj (Službeni glasnik Općine Tešanj broj 11/07), i drugim pojedinačnim aktima Općine Tešanj.

Mjesna samouprava u jedinici lokalne samouprave ostvaruje se u mjesnoj zajednici kao obaveznom obliku mjesne samouprave koju osniva vijeće, te u gradskim četvrtima i drugim oblicima mjesne samouprave u skladu sa statutom jedinice lokalne samouprave.

Statutom Općine Tešanj (Službeni glasnik Općine Tešanj broj 11/07), uređen je način formiranja mjesnih zajednica, organi mjesnih zajednica, konstituisanje organa mjesnih zajednica, i druga pitanja značajna za rad i funkcioniranje mjesne zajednice.

U provedenoj redovnoj proceduri od strane mjesnih zajednica usvojeni su statuti u svim mjesnim zajednicama, koji su usklađeni sa Statutom Općine Tešanj. Kroz provođenje propisanih procedura usvojene su dopune Poslovnika o radu Savjeta kojima su definisani opis poslova i nadležnosti, odgovornosti i ograničenja u radu tehničkog sekretara u MZ, kao i način vršenja primopredaje poslova i protokol koji je obaveza popuniti.

2. Finansiranje mjesnih zajednica

Način finansiranja rada mjesnih zajednica za općinu Tešanj dodatno je regulisan Odlukom o načinu i kriterijima raspodjele sredstava za finansiranje rada organa mjesnih zajednica ("Službeni glasnik Općine Tešanj" 11/07), izmjenama i dopunama Odluke o načinu i kriterijima raspodjele sredstava za finansiranje rada organa mjesnih zajednica ("Službeni glasnik Općine Tešanj" br. 3/11 i 9/11) izmjenama i dopunama odluke i Odlukom Općinskog vijeća o preusmjeravanju dijela sredstava kapitalnih ulaganja. Odlukama je definisano da je osnovni kriterij u raspodjeli sredstava broj građana koji žive na prostoru mjesne zajednice, tačnije broj punoljetnih građana koji živi na prostoru mjesne zajednice u decembru mjesecu prethodne budžetske godine dobijen iz CIPS-ove baze podataka.

Na osnovu navedenog broja građana određeni su pripadajući koeficijenti koji se množe sa osnovicom čiji je krajnji rezultat mjesečni iznos pripadajućih sredstava za rad organa za svaku MZ. Takođe i kod Odluke o raspoređivanju sredstava za kapitalna ulaganja osnovni kriterij čini broj građana koji živi na prostoru mjesne zajednice prema evidenciji iz CIPS-ove baze podataka.

Ove dvije odluke nastoje dodatno urediti način finansiranja mjesnih zajednica, nametnuti sistem planskog i programskog pristupa u radu i omogućiti mjesnim zajednicama veću podršku u pripremi i realizaciji određenih projekata.

Važno je istaknuti da je većina mjesnih zajednica oslonjena na finansiranje iz budžeta općine i vlastito učešće građana, a da je mali broj mjesnih zajednica koje imaju mogućnost drugih izvora finansiranja. Ovom prilikom ističemo da jedan broj mjesnih zajednica ima sigurne izvore finansiranja kroz izdavanje prostora u zakup, i druge izvore finansiranja, te su u prednosti nad mjesnim zajednicama koje nemaju dodatne prihode.

Prihodi, rashodi kao i stanje računa na 31.12.2013.godine je dati su u tabelarnom prikazu na kraju informacije.

3. Nadzor nad radom mjesnih zajednica

Nadzor nad zakonitošću rada organa mjesne zajednice obavlja Općinski načelnik neposredno i preko općinskih službi za upravu. Općinski načelnik je svojim Rješenjem o imenovanju odgovornih lica za zakonitost rada mjesni zajednica broj: 02-49-2-3996/10 od 01.11.2010. godine prenio ovlasti na pomoćnika Općinskog načelnika u Službi za društvene djelatnosti i investicije za nadzore iz oblasti Zakonitog djelovanja organa MZ prilikom donošenja akata iz vlastite nadležnosti (Odluke, Zaključci, Ugovori, Sporazumi i sl.), i pomoćnika Općinskog načelnika u Službi za finansije, privredu komunalne i inspeksijske poslove za nadzor iz oblasti Zakonitog djelovanja organa MZ iz oblasti materijalno finansijstskog poslovanja organa MZ. Općina je kroz provođenje procedura, knjigovodstvenom servis "AIDA" dodijelila vođenje knjigovodstvenih poslova. Uvođenjem jedinstvenog knjigovodstvenog servisa povećana je finansijska disciplina u radu organa MZ.

Rad mjesnih zajednica je regulisan Zakonima i propisima i to:

- Zakonom o principima lokalne samouprave u Federaciji Bosne i Hercegovine (Službene novine FBiH 49/06),
- Statutom Općine Tešanj (Službeni glasnik Općine Tešanj broj 11/07),
- Odlukom i izmjenama Odluka o načinu i kriterijima raspodjele sredstava za finansiranje rada organa mjesnih zajednica ("Službeni glasnik"6/07, "Službeni glasnik"3/11),
- Sve mjesne zajednice imaju usvojene Statute koji su usklađeni sa Statutom Općine Tešanj,
- Sve mjesne zajednice imaju usvojene Poslovnike o radu Savjeta i Skupštine.

3.1.Nadzor nad redovnim radom

U cilju efektivnije kontrole i efikasnijeg vršenja nadzora nad radom mjesnih zajednica, mjesne zajednice su obavezne pored mjesečnog dostavljanja zapisnika sa sastanaka da obavezno dostavljaju i sve odluke, ugovore, zaključke i druga pravna akta do desetog u mjesecu za protekli mjesec, kako bi općinska nadležna Služba za rad sa mjesnim zajednicama provjerila zakonitost rada. To naravno ne umanjuje ličnu i kolektivnu odgovornost organa i nosioca funkcija u mjesnim zajednicama, ali omogućuje pravovremenu reakciju. Tokom godine uočene su određene mogućnosti za poboljšanje rada i prema mogućnosti reagovano:

1. Tokom godine održano je 245 sastanaka Savjeta i 69 sastanaka Skupština mjesnih zajednica što je u odnosu na prethodnu godinu značajno povećanje. Pojedinačan pregled ovih sastanaka po MZ prikazan je u tabeli na kraju ove informacije.
2. Tokom 2013 godine na poziv organa MZ, referent za rad sa mjesnim zajednicama je prisustvovao na 41 sjednice Savjeta ili Skupštine u 23 mjesne zajednice, prisustvo referenta za rad sa MZ je uveliko poboljšalo komunikaciju i pomoglo u rješavanju sitnijih zahtjeva i otklanjanju nedostataka .
3. Tokom godine, a na zahtjev predstavnika MZ održano je 29 sastanaka Općinskog načelnika sa pomoćnicima sa predstavnicima 18 MZ (na osnovu ličnih zahtjeva) na kojim se razgovaralo o problemima sa kojim se susreću predstavnici MZ i način njihovog rješavanja.
4. Analizirano je ukupnu 1225 donesenih Odluka, Zaključka i sl. od strane mjesnih zajednica, i to najveći broj iz mjesne zajednice Šije sa 157 i Tešanjka sa 112 donesenih odluka,
5. Provjereno je 102 potpisana Ugovora ili Sporazuma, koje su MZ potpisivale sa trećim licima za obavljanje poslova za potrebe mjesnih zajednica,
6. Data je pomoć mjesnim zajednicama za pripremu i potpisivanje Ugovora sa fizičkim licima i pravnim licima za iznajmljivanje prostora ili obavljanje poslova. U saradnji sa Općinskim pravobraniocem i pored dostavljenog unificiranog urneka Ugovora vršene su provjere ugovora prije samog potpisivanja istih.
7. Upućen dopis mjesnim zajednicama u kojem je ponovo precizirana obaveza redovnog slanja informacija, kao i preporuka za primjenu i dopunu Poslovnika u cilju efikasnijeg nadzora nad finansijskim transakcijama, definisanja opisa poslova i procedura prijema za sekretare MZ i protokola primopredaje dužnosti.
8. Sedam mjesnih zajednica upozoreno na potrebu redovnog dostavljanja izvještaja (N.Miljanovci, O. Planje, Kraševo, Novo Selo, Piljužići, Tešanj i Mrkotić) poslije toga je primjetan napredak.
9. Tokom godine samo je MZ Novi Miljanovci upozorena na obavezu održavanja sastanaka, najvjerovatniji uzrok za neredovnost u održavanju istih je blokada računa MZ čime su znatno smanjene aktivnosti i mogućnosti organa MZ za realizaciju nekih poslova i projekata.
10. Početkom godine vođena je intenzivna aktivnost na etažiranju zgrade MZ Tešanjka i dobijanja upotrebne dozvole a u cilju rješavanja starog duga prema HS Putevi u skladu sa ranije potpisanih sporazumom o izmirenju duga.

11. Tokom godine posredstvom Službe izmještena kancelarija MZ Jelah u prostor Općinskog ureda a u cilju obezbjeđenja uslova za gradnju saobraćajnice u sklopu raskrsnice Jelah.
12. U skladu sa mogućnostima Općina je podržala organizaciju obilježavanja važnijih datuma na području mjesnih zajednica a prema podnesenim zahtjevima.
13. Pripremljen je novi Plan Edukacije sekretara i predsjednika Savjeta za 2014-tu godinu.

3.2. Nadzor nad finansijskim transakcijama mjesnih zajednica

U cilju efikasnijeg vršenja nadzora nad radom mjesnih zajednica, mjesne zajednice su obavezne da dostavljaju izvještaj o svim novčanim transakcijama do desetog u mjesecu za protekli mjesec, kako bi se provjerila zakonitost finansijskog poslovanja. Pošto je provođenjem procedura izabran jedinstveni knjigovodstveni servis finansiran od strane Općine Tešanj, isti je zadužen da prati sve finansijske tokove te u slučaju uočenih nedostataka da obavjesti Službu o istim. To naravno ne umanjuje ličnu i kolektivnu odgovornost organa i nosioca funkcija. Izvršena je šestomjesečna i godišnja analiza izvještaja, te poduzimane mjere shodno nalazima iz izvještaja:

- a) Tražene dopune izvještaja, i upozoreno na identifikovane nedostatke te na neredovno dostavljanje dokumentacije, radilo se o kraćem kašnjenju dostave dokumentacije a poslije upozorenja otklonjeni nedostaci, a odnosi se na MZ Mrkotić, Kraševu i Novi Miljanovci.
- b) MZ Novi Miljanovci zbog dugovanja iz ranijeg perioda tokom cijele godine blokiran račun, urađeno više radnih sastanaka u cilju iznalaženja rješenja ali nije bilo napretka. Ostatak glavnice dugovanja iznosi nešto manje od 40 000 KM. U narednom periodu potrebno je da organi MZ organizuju sastanke sa Asfaltgradnjom Visoko u cilju postizanja dogovora i potpisivanja sporazuma o vraćanju duga.
- c) Nekoliko mjesnih zajednica su takođe opterećene dugovanjima za projekte iz ranijeg perioda, to su MZ Bobare, Drinčići, Blaževci, MZ Karadaglije i MZ Orašje Planje, iste imaju potpisane sporazume za povrat duga, ista se vraćaju sa liste za kapitalna ulaganja ali dinamika je spora zbog ograničenja navedenih sredstava. U narednom periodu potrebno je uraditi anexe sporazuma sa ciljem prolongiranja rokova otplate.
- d) Tokom godine izvršena je jedna obustava isplate sredstava za rad organa MZ i to za MZ Tešanj a odnosila se na završetak dogovorene obustave iz 2012, kojom je rješen povrat dijela sredstava na Budžet Općine.
- e) Uočeno je kraće kašnjenje u plaćanju poreza i doprinosa u MZ Orašje Planje ali po upozorenju nedostatak otklonjen.
- f) Tokom realizacije poslova dostave vode cisternama za građane MZ Trepče uočene nepravilnosti u prikupljanju novčanih sredstava za podršku u realizaciji ove aktivnosti, poslije upozorenja nepravilnosti otklonjene.
- g) U mjesnim zajednicama Kalošević i Šije je otvoren podračun za sredstva građana za održavanje vodovoda.

- h) Izvršena kontrola poštivanja odredbi Zakona o javnim nabavkama u pet mjesnih zajednica po slučajnom izboru, a težište je dato na procedure prilikom izbora izvođača poslova na zimskom održavanju puteva u organizaciji MZ. Uočeni su sitniji nedostaci te date instrukcije za otklanjanje istih. Jedna od mjera je pojačana edukacija predstavnika MZ u narednom periodu te pružanje direktne pomoći u provođenju procedura na terenu u 2013.

3.3. Provedeni auditi

Na osnovu utvrđenog Plana audita budžetskih korisnika Komisija za provođenje audita izvršila je audit u dvije mjesne zajednice. A prema posebnom planu izvršen je specijalistički audit koji se odnosio na korištenje informatičke opreme kako one koju su MZ nabavile u vlastitoj režiji tako i one opreme koju je administracija dodijelila mjeznim zajednicama. Cilj je bio uvid u stanje ove opreme, sagledavanje mogućnosti dodjele službenih E mail adresa i blic kontrola osposobljenosti tehničkih sekretara za rad na računarima. Nakon provedenih audita poduzete su sljedeće mjere:

1. Obezbjedena računarska oprema za MZ Trepče jer je zatečena oprema imala nizak nivo kvalitete i nije zadovoljavala potrebe MZ,
2. U dvije MZ dodijeljena oprema se nalazila na odvojenim lokacijama te je poslije date instrukcije ista objedinjena, u dvije MZ dodijeljena oprema u vrijeme audita nije bila stavljena u funkciju,
3. 14 mjesnih zajednica ima internetsku konekciju i uređene E mail adrese, dok je šest mjesnih zajednica u postupku priključivanja na internet, u narednom periodu povećati edukaciju u ovom segmentu, a uvođenjem obaveze IT komunikacije smanjiti poštanske troškove,
4. Obustava sredstava u slučaju neredovnog izvještavanja ili povreda zakonitosti u radu, predstavlja efikasan mehanizam za otklanjanje nedostataka, u daljnjem radu nastaviti primjenjivati,
5. Primjenom usvojenih akata Statuta, poslovnika o radu savjeta i skupština sa pravilima odlučivanja, uvođenjem jedinstvenog Knjigovodstvenog servisa, povećana je ozbiljnost u radu i donošenju odluka,
6. Nastavljena je aktivnost na definisanju jedinstvenog statusa mjesnih vodovoda i organizovanje njihovog rada na zakonitim osnovama (legalizacija istih), ista još uvijek nije dala očekivane rezultate, osim u MZ Šije gdje je napredak evidentan,
7. Prilikom preuzimanja pojedinih dužnosti obavezna izrada zapisnika o primopredaji, urađen je i dostavljen u sve MZ unificiran protokol primopredaje .
8. MZ Tešanj je preloženo da preispita rad Sekretara MZ i poduzme mjere u skladu sa Zakonom, Savjet MZ Tešanj je donijeo Odluku o deprofesionalizaciji sekretara MZ i otpustio prethodnog sekretara MZ Tešanj.

3.4. Implementacija izbornih rezultata

Početak godine u svim mjesnim zajednicama započela je intenzivna aktivnost u cilju što kvalitetnije pripreme za implementaciju izbornih rezultata i formiranja novih organa MZ, Općinska služba je prethodno, kroz edukaciju i dopise, definisala način i procedure zakazivanja i vođenja kokstituirajuće sjednice Skupštine, donošenje Odluka, te procedure izbora Predsjednika Savjeta MZ.

Općinska služba za društvene djelatnosti, komunalne poslove i ekologiju je izvršila proračun pripadajućih mjesta u Skupštinama i Savjetima MZ te iste dostavila u sve MZ i političke partije koje participiraju u Općinskom Vijeću. Prilikom izračuna došlo se do zaključka da je za nekoliko mjesta došlo do potpuno istog rezultata te se, na osnovu odredaba Izbornog Zakona BiH, pristupilo žrebanju kandidata. Tokom provođenja žrijebanja ujedno je definisana i usvojena procedura žrebanja za naredni period.

U nastavku implementiranja rezultata izbora pružena je pomoć mjesnim zajednicama u tumačenju Statuta i Poslovnika MZ, direktno kroz prisustvo koordinatora za rad sa MZ na konstituirajućim sjednicama Skupština (u sedam navrata) ili pismeno kroz data tumačenja pojedinih članova Statuta ili Poslovnika u pismenoj formi.

Tokom implementacije izbornih rezultata i samog formiranja organa MZ došlo je do znatnog napretka, to se prvenstveno ogleda u podatku da je do 29.01. 2014. godine ovaj proces završen u dvadeset četiri mjesne zajednice.

Izdata su Rješenja za predsjednike Savjeta od strane Općinskog načelnika na način da su organizovana tri radno svečana sastanka. U sedamnaest mjesnih zajednica predsjednik Savjeta izabran konsenzusom na prvoj ili ponovljenoj sjednici Savjeta, dok su u preostalih sedam MZ predsjednici izabrani prostom većinom. Postignuti koncenzusi u većini mjesnih zajednica su dobar preduslov za kvalitetnu saradnju i realizaciju projekata po MZ. Predsjednika Savjeta u MZ Piljužići izabrao je i imenovao Općinski načelnik u skladu sa odredbama Statuta Općine Tešanj.

Bitno je napomenuti da je Služba za društvene djelatnosti, komunalne poslove i ekologiju Općine Tešanj, izradila i u primjenu stavila Protokol o primopredaji dužnosti predsjednika Savjeta i sekretara mjesnih zajednica koji se primjenio u svim MZ a ujedno služi kao jedna vrsta presjeka zatečenog stanja (inventure), kako opće i projektne dokumentacije tako i objekata na upotrebi i finansijskih sredstava u blagajni i na računu mjesne zajednice.

4. Aktivnosti organa mjesnih zajednica

4.1. Rad organa MZ

Rad predsjednika i članova organa mjesnih zajednica je na volonterskoj osnovi, samo jedan broj mjesnih zajednica isplaćuje simbolične nadoknade za prisustovanje sastancima u vidu putnih troškova i radu odbora i komisija, i ova aktivnost se dovodi u zakonske okvire tako što se prilikom isplata vrše obračuni poreza i doprinosa.

Ukupan broj članova organa mjesnih zajednica je 517, od čega su 157 članovi savjeta, a 360 članovi skupština mjesnih zajednica. Mjesne zajednice u svom radu imaju, razne odbore i komisije koje pomažu u realizaciji planiranih aktivnosti, većinom kroz volonterski rad. To govori o velikom broju građana koji učestvuju u realizaciji planiranih projekata na području općine.

Broj sastanaka organa mjesnih zajednica

<i>Redni broj</i>	<i>Održano sastanaka Savjeta</i>	<i>Održano sastanaka Skupštine</i>
1.	245	69

Pojedinačni pregled sastanaka po mjesnim zajednicama, nalazi se u tabelarnom prikazu na kraju informacije.

4.2. Realizacija infrastrukturnih projekata

Pomoć u realizaciji projekata koje je općina vodila u mjesnim zajednicama pružile su mjesne zajednice i njihovi organi, brojnih aktivisti u građevinskim odborima i građani unutar mjesnih zajednica. Na zahtjev Općinskog načelnika mjesne zajednice su bile dužne da za realizaciju projekta na području mjesne zajednice predlože kontakt osobu, čiji je zadatak da saraduje sa menadžerom projekta iz općine na realizaciji projekta. Ova praksa se pokazala ispravnom.

Doprinos mjesnih zajednica se ogleda kroz kandidovanje projekata, pripremu tehničke dokumentacije, prikupljanje potrebnih saglasnosti za dobivanje odobrenja za gradnju, prikupljanje vlastitog učešća građana za realizaciju projekata, u saradnji sa Službom za katastar, urbanizam i imovinsko-pravne poslove rješavanje imovinsko-pravnih odnosa sa fizičkim licima i sl.

Ovom prilikom želimo istaknuti nesebično angažovanje većine izabраниh predstavnike mjesnih zajednica zaduženih za realizaciju projekata, što je olakšalo rad kako mjesnim zajednicama tako i menadžerima projekata. Zbog neriješenih imovinsko pravnih odnosa dolazilo je do kašnjenja u izdavanju odobrenja za gradnju i usporavanja realizacije projekata, što je razlog da se za 2014 godinu planira realizacija navedene teme u planu edukacije.

Značajni problemi sa kojima se susreću organi mjesnih zajednica kod pokretanja i realizacije aktivnosti je i zakonska nemogućnost obavezivanja svih građana da u skladu sa svojim finansijskim mogućnostima učestvuju u izgradnji infrastrukture i drugih projekata koji su od zajedničkog interesa.

4.3. Rad sekretara mjesnih zajednica

Status sekretara u MZ Jelah, Raduša, Tešanjka a od nedavno i Medakovo je riješen kroz uposlenje na puno radno vrijeme, izuzev što sekretar MZ Vukovo zaposlen na polovinu radnog vremena, dok ostale mjesne sredine zbog obima poslova i nedostatka sredstava, angažuju osobe po potrebi s utvrđenim radnim vremenom, kako bi zadovoljili osnovne potrebe građana. Sa istim su potpisani ugovori o djelu ili obavljanju privremenih i povremenih poslova.

Potrebno je naglasiti da je u urađen prijedlog izmjena i dopuna Poslovnika o radu Savjeta mjesnih zajednica kojim su definisani način potpisivanja Ugovora o angažovanju sekretara, procedure izbora, opisi poslova i određena ograničenja za lica koja obavljaju poslove sekretara MZ. Prijedlog je dostavljen i usvojen od strane Savjeta svih mjesnih zajednica čime je došlo do povećanja zakonitosti i efikasnosti u radu sekretara i povećano zadovoljstvo građana. Koristeći dopunu poslovnika u 2013. godini došlo je do angažovanja novih lica na poslovima sekretara u 6 mjesnih zajednica i to: Džemilić Planje, Karadaglije, Medakovo, Bobare-Drinčići-Blaževci, Rosulje i Tešanj.

Po urađenom auditu budžetskih korisnika utvrđeno je da se sve oporezive isplate fizičkim licima vrše žiralno, po odgovarajućim ugovorima i sa izmirenjem obaveza po osnovu doprinosa i poreza (ukupno 22% sredstava na neto isplate). Preporučenim načinom isplata nadoknada svim fizičkim licima putem žiro računa uz obavezno izmirenje obaveza po osnovu doprinosa i poreza, ne samo da ćemo ispoštovati zakon već će se postići i transparentnost trošenja sredstava.

4.4. Edukacija predsjednika Savjeta i sekretara mjesnih zajednica

Kao i svake godine Služba koja koordinira rad sa mjesnim zajednicama je za 2013 godinu pripremila Plan edukacije predsjednika Savjeta i sekretara MZ. Isti je razrađen kroz 10 tema, i u potpunosti realizovan. Evidentno je da je došlo do blagog povećanja prisustva predsjednika Savjeta na edukacijama (procenat prisustva bio 21,8 %) u odnosu na prisustvo 2012 (procenat prisustva je bio 18,68) ali prisustvo još uvijek nije na očekivanom nivou. Najvjerovatniji uzrok slabog odaziva predsjednika Savjeta taj što se većina predsjednika Savjeta nalazi u radnom odnosu, a edukacije se vrše u radno vrijeme što predsjednicima onemogućava prisustvo. Takođe, primjetno je povećano interesovanje sekretara MZ na edukacijama (procenat prisustva je bio 88,80% u odnosu na 81,78% u 2012godini, a odsutnost je u većini slučajeva bila najavljena i opravdana), što je pohvalno i podiže stepen Zakonitosti u radu organa MZ na viši nivo.

Planom edukacije su obuhvaćene slijedeće oblasti:

- Analiza rada organa mjesnih zajednica.
- Rad jedinica civilne zaštite.
- Ekologija i komunalna higijena.
- Elektronska komunikacija.
- Finansijsko poslovanje.
- Rad policije u zajednici.
- Socijalna zaštita.

I za 2014-tu godinu Služba je uradila plan edukacije čija je realizacija u toku težište će biti usmjereno na primjenu statutarnih odredbi, pojašnjenja odredbi Zakona o građenju, poštivanje Zakona o javnim nabavkama, upravljanje mjesnim vodovodom i sl.

5. Pojedinačni pregled MZ-a

5.1. Bobare-Drinčići-Blaževci

Usvojeni normativni akti su usklađeni sa aktima Općine Tešanj. Na području MZ imaju dva doma, jedan u naseljenom mjestu Bobare drugi u Drinčićima. Prizemlje doma u Bobarama izdato u zakup a dio dom u Drinčićima je dat za potrebe smještaja laktofriza a za šta je krajem godine potpisan i ugovor o zakupu. Objekat društvenog doma u Drinčićima je u postupku legalizacije a putem Općinske službe za društvene djelatnosti, komunalne poslove i ekologiju predložen je za saniranje putem projekta susjedne R Hrvatske u cilju stvaranja povoljnijih uslova za održiv povratak te se očekuju rezultati konkursa. Tokom prethodne godine glavne aktivnosti u MZ Bobare, Drinčići, Blaževci su bile otvorenje izgrađenog Šehidskog spomen obilježja, unutrašnje uređenje Doma u Bobarama, vodosnabdijevanje područja MZ i održavanje manifestacije Dani mjesne zajednice. Osnovni problem u radu organima ove mjesne zajednice predstavlja visok dug za realizaciju projekata iz ranijeg perioda usljed čega ovoj mjesnoj zajednici prijeti i blokada računa. Preostali dug iz ranijeg perioda po presudama iznosi 80.000 KM ali potpisani sporazumi o izmirenju dugovanja zbog ograničenih pripadajućih sredstava iz Budžeta imaju slabu dinamiku izmirenja. MZ je pokrivena sa 3.000 m javne rasvjete i sa dva mjerna mjesta. U izvještajnom periodu izvršena zamjena sekretara MZ.

5.2. Bukva

Usvojeni normativni akti su usklađeni sa aktima Općine Tešanj. Površina društvenog doma je 329 m², u jako dobrom je stanju i u 2013-toj godini nije bio izdat pod zakup, sredstva koja mjesna zajednica ostvaruje po ovom ugovoru uveliko olakšava rad i funkcionisanje organa MZ. U izvještajnom periodu izvođeni radovi na ograđivanju sportskog poligona sa dječijim igralištem u naseljenom mjestu Čifluk,

uređenje objekta Šehidskog spomen obilježja a težište je usmjereno na realizaciju projekta asfaltiranja putne komunikacije Toplana -Čifluk na kojoj je zajedničkim sredstvima građana i Budžeta urađeno 500 m asfalta i time završen jedan krak puta. Bitno je napomenuti da su organi MZ dali maksimalan doprinos i tokom radova na rekonstrukciji kanalizacije u gornjoj Bukvi u dužini od 32 metra. Mjesna zajednica svojim geopoložajem pokriva industrijsku zonu Bukva, ali to često pored mnogo pozitivnih ima i negativne konotacije za život i rad, navest ćemo neke. U cilju poboljšanja životnih uslova privredni subjekti ulažu znatna sredstva u cilju ugradnje prečistača kako otpadnih voda tako i ispusnih gasova.

5.3. Dobropolje-Mekiš

Usvojeni normativni akti su usklađeni sa aktima Općine Tešanj. Težišne aktivnosti organa MZ su se svodile na realizaciju projekta vodosnabdijevanje cijelog područja MZ, navedeni projekat se u izvještajnom periodu sveo na parcijalna rješavanja sekundarne mreže (urađeno 13 sekundarnih vodova) a prema zahtjevima građana. Druga od aktivnosti je izgradnja dijela ulične rasvjete pored R474, ista je urađena na dionici Karamutovi -zgrada MZ-Mujezinovići, finansirana sredstvima građana u iznosu 11.250 KM dok je Općina obezbijedila sredstva za instalisanje mjernog mjesta. Treća ali ne manje značajna aktivnost je asfaltiranje puta Aleksići koji se finansirao sredstvima Budžeta i sredstvima građana. Površina društvenog doma od 120 m², od kojih se 20 m², koristi za potrebe mjesne zajednice, a preostali prostor se koristi za potrebe omladine. Zajedničkim ulaganjem Općine i MZ završena je aktivnost uređenja sanitarnog čvora prvenstveno radi stvaranja povoljnijih uslova omladini koja isti koristi za svoje namjene. Objekat u Dobropolju nema Odobrenje za gradnju, vode se aktivnosti na legalizaciji i pribavljanju Odobrenja za gradnju. Pokrenuta je aktivnost nastavka izgradnje ulične rasvjete, ista je urađena u G. Dobropolju sa mjernog mjesta MZ Tešanj. Dugoročni zadatak za organe MZ će biti izgradnja pješačke staze (trotoara) pored R474 čime bi se povećala bezbjednost učesnika u saobraćaju.

5.4. Džemilić Planje

Usvojeni normativni akti su usklađeni sa aktima Općine Tešanj. Društveni dom je površine 350 m², i u njemu je smještena kancelarija mjesne zajednice. U izvještajnom periodu došlo je do određenog ulaganja u objekat čime su poboljšani uslovi za rad kako organa MZ, tako o omladine sa područja MZ. U izvještajnom periodu nisu realizovani kapitalni projekti predviđeni za realizaciju na prostoru ove MZ te se njihova realizacija očekuje početkom 2014. godine. Realizovane su planske aktivnosti redovnog održavanja puteva i realizacija programa dani MZ. Težišne aktivnosti za narednu godinu će biti pored realizacije projekata iz 2013. godine, sagledavanje mogućnosti izgradnje pumpne stanice čime bi se poboljšao sistem vodosnabdijevanja građana koji žive na ovom području. Tokom godine izvršen je prijem lica na poslove tehničkog sekretara u MZ Džemilić Planje. Krajem godine, poštujući Statutarne i Poslovničke procedure, Skupština mjesne zajednice je imenovala novog predsjednika Skupštine mjesne zajednice.

5.5. Jablanica

Usvojeni normativni akti su usklađeni sa aktima Općine Tešanj. Težišne aktivnosti na području mjesne zajednice Jablanica su bile sanacija infrastrukturnih objekata. Izdvajamo sanaciju klizišta na lokalitetu jezera koje je ugrožavalo normalno odvijanje saobraćaja na putnoj komunikaciji Kalabića kamen-Zelenika i prijetilo potpunim prekidom u odvijanju saobraćaja. Realizovan je i dio projekta asfaltiranje puta Čaglići-Roše u kojem su značajno učešće uzeli i građani. Organi mjesne zajednice su uložili maksimalne napore u organizaciju manifestacije Dani mjesne zajednice a u sklopu te manifestacije već tradicionalno se organizuje obilazak prvih linija odbrane na najvišem vrhu Općine Tešanj tt 732 "Crni vrh". MZ ima manji objekat u kojem je smještena kancelarija, prostorija za sastanke i jedna

kancelarija za rad NVO-a Eko mladi. Pošto je u minulom periodu riješeno pitanje duga iz ranijeg perioda pristupilo se realizaciji aktivnosti oko uplanjenja navedenog objekta. Na području ove mjesne sredine nema izgrađene javne rasvjete a započete su aktivnosti oko izgradnje iste. Prioritet u narednom periodu se odnosi na rješavanje problema vodosnabdijevanja cijelog prostora MZ. Organi MZ pokazali su posebno interesovanje za informacije oko aktivnosti koje se vode u pripremi za gradnju autoputa na koridoru Vc te je na ovu temu više puta razgovarano sa lokalnom upravom.

5.6. Jelah

Usvojeni normativni akti su usklađeni sa aktima Općine Tešanj. Težišne aktivnosti na području mjesne zajednice Jelah bile su sanacija infrastrukturnih objekata. Jedan od najvažnijih projekata u izvještajnom periodu je svakako realizacija projekta uređenja raskrsnice Jelah ciljem saobraćajnog rasterećenja centra Jelaha. Pored ovog projekta asfaltiran je dio puta kroz Cerovac, ulice Mešići kao i Donje sječe 1 i ulica Alekse Šantića. Najviše energije u komunikaciji sa MZ Jelah je utrošeno u iznalaženju najkvalitetnijeg rješenja za zonu Centar Jelah, sa osvrtom na izgradnu objekata sportske dvorane i administrativno kulturnog centra, samo po ovom pitanju održano je nekoliko sastanaka Općinskog načelnika sa Savjetom MZ Jelah, ove aktivnosti se nastavljaju i u narednom periodu. Dio objekta doma je srušen zbog gradnje nove saobraćajnice a kancelarija MZ Jelah je izmještena u prostorije Općinskog ureda Jelah.

Objekat "Čitaonica" u Potočanima koristi omladinska organizacija iz Potočana i u dobrom je stanju, Objekat zvan "Dobojputevi" prizemlje izdat je u zakup MUP-u Ze-DO kantona. MZ Jelah je u saradnji sa Općinom i nevladinim organizacijama i udruženjima građana uspješno realizovala manifestacije: Dani otpora, prvomajska proslava, Jelaško ljetno, doček nove godine i sl. I u narednom periodu nastaviti aktivnosti oko izgradnje sportske dvorane i administrativno-kulturnog centra Jelah (ista bi trebala biti realizovana kroz privatno javno partnerstvo).

5.7. Jevadžije

Usvojeni normativni akti su usklađeni sa aktima Općine Tešanj. Mjesna zajednica ima Društveni dom u kojem je smještena kancelarija MZ-e, potrebno redovno održavanje i djelimična sanacija krova. Na području ove mjesne sredine nema izgrađene javne rasvjete. Glavna aktivnost u izvještajnom periodu je bila izgradnja Šehidskog spomen obilježja u neposrednoj blizini džamije, i pored manjih problema prilikom realizacije ovog projekta izgradnja istog je završena. U narednom periodu aktivnosti organa mjesne zajednice će biti usmjerene na otvorenje Šehidskog spomen obilježja. Rad organa mjesne zajednice bio je na dobrom nivou, stalna komunikacija mjesna zajednica-Općinska administracija rezultira bržim i efikasnijim rješavanjem poslova. Krajem godine, poštujući Statutarne i Poslovničke procedure, Skupština mjesne zajednice je imenovala novog predsjednika Skupštine mjesne zajednice.

5.8. Kalošević

Usvojeni normativni akti su usklađeni sa aktima Općine Tešanj. U izvještajnom periodu u koordinaciji sa knjigovodstvenim servisom definisane radnje koje se trebaju poduzeti u cilju zakonitog upravljanja vodovodom. Ukupna površina doma je 250 m² novi objekat je površine 110 m² i koristi se za potrebe mjesne zajednice i Općinskog ureda sa precizno definisanim radnim vremenom. U povodu 1. Marta organizovano polaganje cvijeća na Šehidsko obilježje i svečana sjednica Skupštine. Organi MZ po posebnim zaduženjima uspješno su realizovali poslove ljetnog i zimskog održavanja puteva. Posebno treba istaći uspješnu organizaciju manifestacije Dani mjesne zajednice za koju su dobili i pohvale Općinskog načelnika. Izvršeno je djelimično uređenje korita rijeke Usore i Djedovačkog potoka u cilju bolje zaštite od poplava. Nije realizovan projekat sa liste kapitalnih te je

prenesen za realizaciju u 2014. godinu, a sredstva su na prijedlog Savjeta koji je usvojila Skupština MZ preusmjerena za realizaciju projekta asfaltiranja puta prema malim Bošnjacima.. Izvršeno je proširenje javne rasvjete u dijelu Brijčnica-Škola i u podružnici Putešić. Krajem godine, poštujući Statutarne i Poslovničke procedure, Skupština mjesne zajednice je imenovala novog predsjednika Skupštine mjesne zajednice.

5.9. Karadaglije

Usvojeni normativni akti su usklađeni sa aktima Općine Tešanj. MZ nema izgrađenog društvenog doma, a kancelarija smještena u objektu stare ambulante koji je u lošem stanju. U izvještajnom periodu rješavan je spor između MZ Karadaglije i Vemala sa ciljem da mjesna zajednica na upravljanje dobije još jedan objekat koji bi predstavljao potencijalni izvor prihoda za ovu MZ. Tokom prethodnog perioda a po izboru organa MZ došlo je do izbora novog lica za obavljanje poslova tehničkog sekretara. Osnovni problem u radu organima ove mjesne zajednice predstavlja visok dug za realizaciju projekata iz ranijeg perioda, te se sva sredstva od koncesija i pripadajuća sredstva sa liste za kapitalna ulaganja a koja pripadaju MZ Karadaglije preusmjeravaju ka vraćanju duga iz ranijeg perioda. Krajem godine započeti su intenzivni razgovori koji za cilj imaju zatvaranje dugovanja prema Hajdić doo Maglaj. Tokom godine urađeno ograđivanje sportskog poligona. Organi MZ pokazali su posebno interesovanje za informacije oko aktivnosti koje se vode u pripremi za gradnju autoputa na koridoru Vc te je na ovu temu više puta razgovarano sa Općinskom administracijom. MZ je pokrivena sa 2.000 m. javne rasvjeta i sa jednim mjernim mjestom, na istoj su u izvještajnom periodu u potpunosti zamijenjene postojeće sijalice sa štednim sijalicama.

5.10. Kraševo

Usvojeni normativni akti su usklađeni sa aktima Općine Tešanj. Površina društvenog doma od 200 m² se koristi za potrebe MZ-e, a preostali prostor površine od 250 m² koristi osnovna škola bez nadoknade. Pokrenuta je aktivnost na sanaciji objekta u dijelu krova i stolarije. U izvještajnom periodu težište aktivnosti je bilo usmjereno na realizaciju liste kapitalnih projekata. Organi MZ su organizovali i realizovali višednevnu manifestaciju Dani mjesne zajednice, a podršku je pružio i Općinski načelnik. Tokom godine u više navrata pokušano je sa prethodnim sekretarom postići sporazum za vraćanje duga na rate a prema presudi Općinskog suda Tešanj. Jedan od problema koji je konstantno opterećavao rad organa MZ je i razgraničenje tj. Utvrđivanje stvarnih granica između naseljenih mjesta Kraševo i Tešanjka jer dolazi do nesuglasica u nadležnostima (najčešće prilikom održavanja putnih komunikacija).

5.11. Ljetinić

Usvojeni normativni akti su usklađeni sa aktima Općine Tešanj. Prostor doma površine od 24 m² koristi se za potrebe MZ, preostali prostor površine 272 m² je izdat u zakup, sredstva od zakupa će dobro doći organima MZ za organizaciju raznih sadržaja na prostoru MZ. Trenutno ta sredstva se ne naplaćuju jer je zakupac uložio značajna sredstva u sanaciju objekta. Objekat doma je djelimično saniran u dijelu sanacije krova, u ovoj sanaciji pored učešća Općine značajna sredstva je izdvojila i MZ. U narednom periodu potrebno je osvježiti Šehidsko spomen obilježje, zamjenom dotrajalih drvenih dijelova, sadnjom cvijeća i sl. Jedna od aktivnosti organa MZ bila je i aktivno učešće u održavanju putnih komunikacija kako u ljetnom tako i u zimskom periodu, naravno u saradnji sa Općinskom administracijom. U narednom periodu organi MZ planiraju svoju aktivnost usmjeriti ka rješavanju pitanja društvenog doma te završetak projekta javne rasvjete. Sredinom godine imenovani predsjednik Savjeta MZ zbog privatnih razloga (posao u inostranstvu) podnio je ostavku te je nakon provođenju procedure, postignutog koncenzusa i prijedloga Savjeta MZ, Općinski načelnik imenovao novog predsjednika Savjeta.

5.12. Medakovo

Usvojeni normativni akti su usklađeni sa aktima Općine Tešanj. MZ ima društveni dom u kojem je smještena kancelarija MZ-e u 120 m² a preostali prostor od 600 m² je izdat pod zakup. MZ ostvaruje značajne prihode od zakupa prostora što im uveliko olakšava rad. Objekat društvenog doma je u dobrom stanju dok je objekat koji se je koristio kao prodavnica doo "Vemal" Tešanj u lošem stanju i predmet je rješavanja sudskog spora. Kapitalni projekti su se bazirali na asfaltiranje puteva, a težišna aktivnost organa mjesne zajednice u izvještajnom periodu bila je usmjerena na realizaciju projekta vodosnabdijevanja Medakovo -Trepče. Potrebno je napomenuti da je izvršena i sanacija klizišta u naselju Križanovići. Ova aktivnost ostaje prioritetna i za naredni period. Organi MZ pokazali su posebno interesovanje za informacije oko aktivnosti koje se vode u pripremi za gradnju autoputa na koridoru Vc te je na ovu temu više puta razgovarano sa lokalnom upravom. Krajem godine raspisan konkurs za prijem lica za obavljanje poslova tehničkog sekretara te je poslije provođenja procedure izvršen prijem novog sekretara.

5.13. Miljanovci-Lončari

Usvojeni normativni akti su usklađeni sa aktima Općine Tešanj. MZ ima dva društvena doma. U jednom je smještena kancelarija MZ-e i ambulanta, za ovaj objekat organi MZ su pokrenuli postupak za dobijanje upotrebne dozvole. Drugi društveni dom se nalazi na Palučku i bio je u lošem takoreći ruševnom stanju, aktivnosti na sanaciji su započele 2011-toj godine, nastavljena 2012-te godine kada je značajno saniran krov te su unutrašnje prostorije dovedene u upotrebljivo stanje. U protekloj godini većina aktivnosti završena i organizovano otvorenje navedenog objekta. Težišne aktivnosti u izvještajnom periodu bile su usmjerene na definisanje obaveza učesnica u realizaciji projekta vodovod „Pousorje“. Kroz niz održanih sastanaka precizirane su radnje koje treba da poduzmu organi mjesne zajednice kako bi zatvorili nezatvorena potraživanja. MZ je pokrivena sa 5.410 m. javne rasvjeta sa dva mjerna mjesta. Tokom godine pružena podrška koja je za cilj imala poboljšavanje uslova za rad organa MZ te je kancelarija MZ spojena na sistem zagrijavanja ambulante.

5.14. Mrkotić

Usvojeni normativni akti su usklađeni sa aktima Općine Tešanj. Ukupna površina doma je 170 m², a novi objekat je površine 56 m² i koristi se za potrebe mjesne zajednice. Tokom godine došlo je do određenog ulaganja u objekat kako bi se stvorili povoljniji uslovi za rad organa MZ. Dostavljen hodogram za zadovoljavanje Zakonitih odredbi u upravljanju vodovodom te dostavljene instrukcije za otklanjanje nedostataka. Organi mjesne zajednice upozoreni na obavezu slanja opštih i finansijskih izvještaja te poslije upozorenja slanje je bilo dosta urednije. Problem u radu MZ predstavlja i podatak da MZ nije imala projekata sa liste kapitalnih te je jedan od značajnijih projekata bio u saradnji sa omladinskom bankom.

5.15. Novi Miljanovci

Usvojeni normativni akti su usklađeni sa aktima Općine Tešanj. Dio Omladinskog doma u kojem je smještena kancelarija MZ-e i ambulanta je u zadovoljavajućem stanju, drugi dio je bio u lošem stanju i u izvještajnom periodu zajedničkom akcijom Omladinskog kluba, udruženja žena Jorgovan i Omladinske banke urađena je prva faza adaptacije tako što je postavljena stolarija na navedenom dijelu objekta. Najveći problem u radu organa MZ predstavlja sudska blokada računa MZ a nastala usljed dugovanja prema asfaltogradnji Visoko. U izvještajnom periodu taj dug je saniran za oko 26.000 KM te sada iznosi oko 40.000 KM bez kamata. Održano je više kontakata i nekoliko sastanaka u cilju deblokiranja navedenog računa ali svi ti razgovori nisu rezultirali potpisivanjem sporazuma. Kroz niz održanih sastanaka precizirane su radnje koje treba da poduzmu organi mjesne zajednice

kako bi zatvorili nezatvorena potraživanja. I dalje traju razgovori koji imaju za cilj da se ovaj problem riješi.

5.16. Novo Selo

Usvojeni normativni akti su usklađeni sa aktima Općine Tešanj. Ukupna površina doma je 130 m², od čega je jedan dio izdat pod zakup BH Telekomu, ostatak prostora od 100 m² koristi mjesna zajednica. Nije realizovan projekat sa liste kapitalnih ulaganja i isti je prenesen za realizaciju u ovu godinu. MZ je pokrivena sa 2.500 m javne rasvjete i sa dva mjerna mjesta. Područje mjesne zajednice se snabdijeva pitkom vodom sa vodovoda Rosa ali nije bilo problema u snabdijevanju. U izvještajnom periodu organi mjesne zajednice više puta upozoreni na obavezu redovnog dostavljanja zapisnika.

5.17. Orašje Planje

Usvojeni normativni akti su usklađeni sa aktima Općine Tešanj. Glavne aktivnosti su vođene oko projekta vodosnabdijevanja (isti ulazi u završnu fazu) te sanacija putnih komunikacija i sl. Posebno opterećenje u radu MZ Orašje Planje predstavlja dug iz ranijeg perioda, za navedena dugovanja potpisani su sporazumi. Težište aktivnosti u izvještajnom periodu bile su usmjerene na izgradnju ulične rasvjete. Površina društvenog doma je 200 m², od čega se za potrebe MZ koristi sprat, a prostor u prizemlju je izdat pod zakup. Sredstva od zakupa olakšavaju vođenje projekata na području MZ i rad organa MZ. Objekat je relativno u dobrom stanju ali postoji potreba da se izvrši sanacijom dijela krova. Težišna aktivnost organa mjesne zajednice će biti usmjerena na realizaciju projekta vodosnabdijevanja - završna faza.

5.18. Piljužići

Usvojeni normativni akti su usklađeni sa aktima Općine Tešanj. Površina društvenog doma je 200 m², na spratu je smještena ambulanta i kancelarija mjesne zajednice. Najveći problem u radu mjesne zajednice predstavljali su narušeni međuljudski odnosi koji nisu bili izazvani postupcima organa mjesne zajednice ali su u značajnoj mjeri otežali vođenje projekata. Mjesna zajednica tokom implementacije izbornih rezultata napravila niz proceduralnih pogrešaka, te je poslije više upozorenja, dopisa i sastanaka formirani su organi MZ. Organi upozoravani na dostavljanje tačnih informacija prema Općinskoj administraciji, te upozoreni na nenadležnost u rješavanju problema IZ Tešanj. I ove godine organi MZ su uspješno realizovali organizaciju tradicionalnog malonogometnog turnira. Nije realizovan projekat asfaltiranja putne komunikacije a čitav postupak treba da realizuje Direkcija cesta Federacije BiH, realizacija se očekuje početkom ove godine.

5.19. Raduša

Usvojeni normativni akti su usklađeni sa aktima Općine Tešanj. Na prostoru MZ egzistira vodovod „Bukovac“ kojim upravlja Udruženje građana a voda se koristi kao tehnička. Dostavljen hodogram za zadovoljavanje Zakonitih odredbi u upravljanju vodovodom te dostavljene instrukcije za otklanjanje nedostataka. Na području MZ upravlja sa dva objekta i to Društveni dom koji je nedovršen i objekat zvani „Sušara“ koji je u lošem stanju. Ukupna površina Društvenog doma je 324 m² od čega je 117 m² izdato pod zakup, ostatak prostora koristi mjesna zajednica. Organi MZ vode aktivnosti koje za cilj imaju legalizaciju navedenog objekta. Težište aktivnosti u izvještajnom periodu bilo je usmjereno na planiranje aktivnosti kako bi cijelo područje ove mjesne zajednice bilo obuhvaćeno sistemom odvodnje otpadnih voda, kao i iznalasku modela da domaćinstva koja su već priključena izmire svoje zakonske obaveze. Svi planirani kapitalni projekti su realizovani. U narednom periodu težište aktivnosti će biti usmjerene na rješavanje pitanja vodosnabdijevanja.

5.20. Rosulje

Usvojeni normativni akti su usklađeni sa aktima Općine Tešanj. Mjesna zajednica ima Društveni dom u kojem je na spratu smještena kancelarija MZ-e a prizemlje objekta je izdato pod zakup. Objekat Društvenog doma je u dobrom stanju. Mjesna zajednica je pokrivena sa 500 m javne rasvjete i sa jednim mjernim mjestom, pokrenuta je aktivnost na izgradnji rasvjete za kompletno područje MZ. Težišna aktivnost u izvještajnom periodu bila je rekonstrukcija i asfaltiranje dijela puta Ristići. Održano je više sastanaka koji su za cilj imali uređenje dijela korita rijeke Radušice. Pored ovih aktivnosti organi MZ su radili na organizaciji manifestacije Dani MZ, uređenju sportskog poligona, a poštujući propisane procedure tokom godine je izvršen izbor novog sekretara MZ.

5.21. Šije

Usvojeni normativni akti su usklađeni sa aktima Općine Tešanj. Ova mjesna sredina ima izgrađen Društveni dom koji je površine 280 m². Na spratu doma smještena je kancelarija MZ, sala za sastanke i telefonska centrala, a prizemlje društvenog doma se koristi za potrebe rada kulturno-umjetničkog društva, omladinske aktivnosti i rad nevladinih organizacija. Tokom godine u dijelu prizemlja završene su aktivnosti na uređenju prostorija predviđenih za općinski ured. U 2013. godini u dijelu prizemlja uređen je završene su aktivnosti na uređenju općinskog ureda i isti je počeo sa radom. Takođe u toku godine na području MZ provedeno je niz aktivnosti na realizaciji kapitalnih projekata od sanacije i asfaltiranja puteva, preko nastavka izgradnje jedne faze odvodnje otpadnih voda i povećanja izdašnosti vodoizvorišta Ponikva pa sve do provođenja aktivnosti na zakonitom poslovanju mjesnog vodovoda. Organi MZ realizovali su manifestaciju dani MZ. Organi MZ i u ovoj godini planiraju nastavak započetih aktivnosti naravno u skladu sa budžetskim mogućnostima.

5.22. Tešanj

Usvojeni normativni akti su usklađeni sa aktima Općine Tešanj. Težišne aktivnosti koje su vođene se odnose na realizaciju infrastrukturnih projekata asfaltiranja ul. Momana Topreka i asfaltiranja n.c. Joldići te organizacija manifestacije dočeka nove godine. Tokom provođenja audita budžetskih korisnika ustanovljeno je da je u prethodnom periodu konstantno dolazilo do povreda finansijske discipline koja je kulminirala nenamjenskim utroškom sredstava čija je namjena bila za saniranje i asfaltiranje ulica Nesuha Mešića i Kose, a utrošena su za plaćanje poreza na plaću sekretara MZ. U daljem postupku plaćeni su izvedeni radovi od sredstava namjenjenih za rad organa MZ. Mjesnoj zajednici naloženo da protiv lica koja su sredstva nenamjenski trošila pokrene postupak prema Zakonu o radu. Shodno ovom sredinom godine Savjet MZ Tešanj je otpustio sekretara mjesne zajednice. MZ pored redovnih sredstava raspolaže sredstvima koja im uplaćuje BH Telekom na ime izdavanja parking prostora a što iznosi cca 600 KM mjesečno. Objekat mjesne zajednice je na atraktivnoj lokaciji, u prethodnom periodu urađena je djelimična sanacija potkova na objektu te je dio prostora dat u zakup odredu izviđača Crni vrh.

5.23. Tešanjka

Usvojeni normativni akti su usklađeni sa aktima Općine Tešanj. U naseljenom mjestu Lepenica postoji društveni dom koji je u dobrom stanju, drugi dom na Tešanjci je isto u dobrom stanju. Tokom izvještajnog perioda pokrenut projekat na potpunom uređenju prostora unutar zgrade MZ. Realizovane su aktivnosti etažiranja objekta i definisanja vlasništva na dijelu prostora u kom je smještena kancelarija mjesne zajednice i ured Općine Tešanj, poslije završene harmonizacije i upisa promjena u zemljišne knjige jedan od poslovnih prostora je po ranijem Sporzumu o izmirenju duga iz ranijeg perioda prešao u vlasništvo HS Puteva. Po preuzimanju vlasništva nad spomenutim prostorom HS Putevi su kod Općinskog suda povukli izvršnu presudu. Prilikom uređenja zgrade MZ Tešanjka se

zadužila kod ZFR Hajrić Trepče u iznosu od 22.500 KM i taj dog je saniran sa 15.000 a preostali dug planiran za sanaciju po usvajanju liste kapitalnih ulaganja za 2014 godinu. Organi MZ su u saradnji sa Općinom Tešanj realizovali i projekat zagrijavanja objekata. Takođe je u saradnji sa Općinom i udruženjima građana realizovano niz manifestacija od kojih bi posebno istakao obilježavanje 8.oktobra Dana mjesne zajednice i sjećanje na žrtve aviobombardovanja.

5.24. Trepče

Usvojeni normativni akti su usklađeni sa aktima Općine Tešanj. Ukupna površina doma je 550 m², od čega je izdato u zakupu 300 m², a preostali prostor koristi MZ za svoje potrebe. Glavna aktivnost organa MZ se svodila na realizaciju dijela kapitalnog projekta „Vodovod Medakovo Trepče“, ovaj projekat će biti prioritet i u narednom periodu. Mjesna zajednica pored ove aktivnosti realizovala i aktivnost na izgradnji i uređenju prilazne staze do mezariluka, uređenju prostorija MZ i stvaranje povoljnijih uslova za rad kao i na organizaciju dostave pitke vode putem službe civilne zaštite. MZ ima značajne prihode od zakupa ali je upozorena na potrebu obnavljanja ili aneksiranja potpisanih ugovora. Sa općinskom administracijom održano je više sastanaka a neizbježna tema je i trasa koridora Vc te rješenje prolaza za MZ Trepče

5.25. Vukovo

Usvojeni normativni akti su usklađeni sa aktima Općine Tešanj. U društvenom domu smještena je kancelarija mjesne zajednice, potrebna sanacija prizemlja doma. MZ je izuzetno dobro pokrivena svom infrastrukturom. U izvještajnom periodu planirana aktivnost realizacije projekata kanalizacije dijela Marin Hana čime bi kompletno područje MZ bilo riješeno sa odvodnjom otpadnih voda, ovaj projekat nije realizovan te je prenesen za realizaciju u 2014-oj godini. Organi MZ su realizovali manifestaciju Dani MZ Vukovo, aktivnosti oko obilježavanja ramazanskog bajrama, aktivnosti na održavanju infrastrukture isl. Tokom godine MZ je sanirala dio duga koji je imala prema licu koje je angažovano na obavljanju administrativno tehničkih poslova.

OBRADIVAČ:

Služba društvene djelatnosti
i investicije

Azra Muslija, dipl. pravnik

PREDLAGAČ:

Općinski načelnik

Mr.sci. Suad Huskić, profesor

Broj: 03-05-5-592/14.

Datum: 17.03.2014.godine

PREGLED ODRŽANIH SASTANAKA DONESENIH ODLUKA, ZAKLJUČAKA I POTPISANIH
UGOVORA

Mjesna zajednica	Sastanci Savjeta	Sastanci Skupštine	Prisustvo koordinatora	Izvršena provjera		
				odluka	zaključaka	ugovora
Bobare-Drinčići-Blaževci	8	2	2	42	55	3
Bukva	11	2	2	33	4	4
Dobropolje-Mekiš	10	2	1	56	13	42
Dž.Planje	11	4	1	26	4	2
Jablanica	15	2	1	51	4	3
Jelah	13	2	3	14	75	5
Jevadžije	8	2	1	16	3	4
Kalošević	10	5	4	12	25	2
Karadaglije	8	3	1	25	30	5
Kraševo	6	2	1	18	6	2
Ljetinić	8	3	0	33	11	3
Medakovo	8	5	1	21	14	8
Miljanovci-Lončari	12	2	1	9	17	3
Mrkotić	7	1	1	14	4	2
Novi Miljanovci	4	2	1	8	6	2
Novo Selo	8	2	0	15	6	3
Orašje Planje	7	1	1	14	4	2
Piljužići	8	4	2	28	6	3
Raduša	9	4	1	25	62	5
Rosulje	13	5	4	17	31	5
Šije	21	3	2	61	96	11
Tešanj	11	1	3	21	4	3
Tešanjka	10	2	3	103	9	11
Trepče	10	3	1	26	32	6
Vukovo	9	5	3	10	6	3
UKUPNO	245	69	41	698	527	142

PREGLED FINANSIJSKOG POSLOVANJA MJESNIH ZAJEDNICA U 2013 GODINI

Mjesna zajednica	PRIHODI U 2013 GODINI					Sredstva vodovoda	Rashodi	Stanje
	Stanje 1.1.13	Redovna dotacija	Po rješenjima	Zakup/ostalo	Ukupni prihodi			
Bobare-Drinčići Blaževci	960,29	6.000,00	7.400,00	214,84	14.575,00		14.022,94	552,19
Bukva	3.774,29	6.000,00	11.571,30	4.025,77	25.371,36		11.821,73	13.549,63
Dobropolje-Mekiš	7.870,60	6.000,00	8.333,69	60.461,68	82.665,97	50.228,15	77.424,98	5.240,99
Dž.Planje	14.279,55	6.000,00	4.775,00	2.179,04	27.233,59		27.026,79	206,80
Jablanica	2.932,70	6.000,00	7.837,50	3.552,17	20.322,37		19.215,32	1.107,05
Jelah	7.666,14	9.000,00	20.837,50	62.664,61	100.168,25		93.583,11	6.585,14
Jevadžije	2.855,13	6.000,00	1.050,00	750,08	10.655,21		8.029,89	2.625,32
Kalošević	7.095,83	6.000,00	10.368,72	11.977,45	35.442,00	9.090,50	29.359,34	6.082,66
Karadaglije	11,54	6.000,00	4.087,50	550,55	10.649,59		9.685,15	964,44
Kraševo	820,92	6.000,00	2.785,00	1.308,44	10.914,36		8.018,19	2.896,17
Ljetinić	1.797,88	6.000,00	7.775,00	328,96	15.901,84	170,00	14.957,13	944,71
Medakovo	49.119,16	6.000,00	2.093,70	22.481,14	79.694,00	52.530,00	64.686,67	15.007,33
Miljanovci-Lončari	56,90	6.000,00	6.500,00	200,75	12.757,65		12.596,77	160,88
Mrkotić	628,47	6.000,00	2.137,50	1.100,13	9.866,10		9.859,96	6,14
Novi Miljanovci	1.033,29	6.000,00	1.440,00	300,44	8.773,73		7.347,62	1.426,11
Novo Selo	1.031,73	5.950,00	5.400,00	3.017,97	15.399,70		14.271,43	1.230,60
Orašje Planje	8.362,42	6.000,00	3.296,00	17.118,81	34.777,23	9.000,00	31.936,81	2.840,42
Piljužići	1.448,13	6.000,00	6.137,80	2.301,70	15.887,63		14.770,09	1.117,54
Raduša	69,46	9.000,00	8.118,75	3.157,30	20.345,51	386,15	18.884,04	1.461,47
Rosulje	9.645,50	6.000,00	4.450,00	4.158,88	24.254,38		17.714,55	6.539,83
Šije	16.715,62	9.000,00	12.937,50	115.242,80	153.895,90	112.741,00	131.432,33	22.463,57
Tešanj	2.727,10	10.990,00	2.562,50	9.381,71	25.661,31		22.635,87	3.025,44
Tešanjka	551,11	7.200,00	14.211,80	24.967,82	46.930,73		43.736,98	3.193,75
Trepče	84.742,50	6.000,00	8.250,00	52.467,53	151.460	128.652,00	16.023,87	135.436,60
Vukovo	6,57	6.000,00	6.737,50	723,34	13.467,41		13.330,12	137,29
UKUPNO	226.203	165.140	171.095	404.633	967.071	362.798	732269	234.802